

na nia meefucu

mo botngonꞫ na moso la nantꞫ'ca ta cou ci mocmo tola 'oengha to
h'oehamvato, maino nia takupuyanꞫ, ya'aezuonꞫ, taivuyanꞫ, ho ina nia
sayuc'u, isi cu acꞫha peela cohivi maitan'e zou nia masisia, at'inghi , mo
coni 'ola 'oengha ho o'te ahta cohivi nia a'ꞫmtꞫ cuma ho nia yanenu ? 'a
eno 'ola yainca meefucu.

pano moso nana yonne iskiana ci mamespingi, moso nana cocapo ho
tibkobkocꞫ no ehti no lauya ho to'seni no ceoa, mainci pano nana meefucu
cimo yono ceoa ho atfꞫnga tasucia na isi toai ci lauya, isi nana ta'sona no
mamespingi ho isi akoeva no tutputa no meefucu, micu nana 'aoko
moozoyꞫ ho mici eoho'Ɜ, uk'a cimo nana'so ahtu tmalꞫ. micu nana
mozꞫ yu'sipeohꞫ na mamespingi, ho tesi cu tutputa no meefucu, isi nana
teeskukuyungveni, mo nana yukaci no meefucu na mamespingi, ho
miebocꞫ na meefucu, ma tesi iachia cocvi, hocu poesih'a na mamespingi,
micu nana eno meelꞫ toekameosꞫ ho isi poesih'a, 'aokasi peobanga ho o'te
ahta ticuna, isi nana ataveia hcoceuni no poeave.

pano moso cu nana ngangho'Ɜ ci mamespingi, mosoc'o noachi no
emoo, ihe nana usa ho tutputa no meefucu, mo nana tibkobkocꞫ no ehti no

ma'e'evi homo mino ceonꞫ, ntesi la akoeva no humi hoci la
meelꞫ toekameosꞫ ho yuovei. ho mohcu yayo na oko no mamesipngi hocu
saasmoyꞫskꞫ, la nana asngꞫcu fiho hola e'ohꞫ, osi cu nana la yainca no
inosi: 「te ko la miikikieingi, hoci ko la baito no mo yaa ezoyꞫa, 'aeno
ic'o 'o ohto ei'mii. 」

osicu nana la eꞫsvꞫta no inosi ho moso la baito no ezoyꞫ. mohcu nana
eno akoyu no mici pkaako 。 mohcu maica ho toekameosꞫ toemaine'e, ho
mo emo'unu maica mio c'o nana mino ohsila mia ci ceonꞫ, ho ihe nana aitti
na osila tibkobkoca ci ma'e'evi, micu nana alꞫ kaahkꞫmꞫnꞫ na muevahisi,
ohe nana ucia peobanga no meefucu, o'a ihe ahta ticuna.

mohcu eno sꞫc'hꞫ no nia emoohe, mo nana ahoi yono ciengona no hifi
ho eꞫbxꞫhꞫ, ko'ko ohe cu osnia cohivi no nia 'oahngꞫsi.

(文章大意 僅供參考) ※字數限 200 字

迷樣的 meefucu

傳說曾提到不少跟鄒族關係很密切的外族，包括小矮人等等。有位婦女爬楓樹採樹枝丟在地上，meefucu 把樹枝排好，婦女擔心被 meefucu 抓走，就一直大喊，但沒有人聽到。當 meefucu 要抓時她，她們一直纏鬥，直到 meefucu 放了響屁後大笑、鬆手，婦女就跑走了。有一孕婦遭到 meefucu 擄走，她沿路把樹枝折斷做標記，婦女的孩子長大，相約逃跑，走在當初婦女折斷的樹枝的地方，Meefucu 已追不到，她們躲在屋旁立著的草蓆後方，吹起鼻笛與家人相認。